

Franckesche Stiftungen zu Halle

Salomonis, Regum hominumque, peccati labe laborantium, sapientissimi, Proverbia & Ecclesiastes

Breithaupt, Joachim Just

Magdeburgi, 1717

VD18 11104074

Ecclesiastae Epica Metaphrasis, Cum Argumento Et Parallelismo Capitem.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permission requests please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-216270

ECCLESIASTÆ
EPICA METAPHRASIS,
CUM
ARGUMENTO ET PARALLELISMO
CAPITUM.

CAPUT PRIMUM.

INTROITUS. *Autor est Salomō, tanquam Ecclesiastes; per quem Sapientia evocat unumquemque ex universa mundi vanitate, ad finem, seu statum Creationis recuperandam, sicut in rectitudine, seu veritate imaginis DEI, h. e. unione cum Creatore intimā: ut centrum libri indicat VII, 30. ubi & usus doctrina ostenditur in eo versari, ut hujus rei interpretatio teneatur, exerceatur; VIII, 1. accipienda ab ipso CHRISTO. Job. I, 18. Intentissima querela, de vanitate universali, designat thematicam judicalem moralitatem; 2. expositam interrogatione: 3. quā negatur, in humanis laboribus verum premium posse inveniri; ac contenditur implicitē, permanens summumq; bonum querendum esse aliter. TRACTATIO PRIOR: atque hæc magis remota. Caput I. incipit demonstrare, quomodo vanitatis moralis, stultitiæ, peccati, [vid. VII, 30. Eph. IV, 17, 18.] effectus pœnalis, physicus, [tanquam consequens judiciale] non modò in hominibus, sed quoque [materialiter] in rebus omnibus, humano generi subordinatis, sit corruptio, vicissitudo, calamitas; h. e. vanitati subiecta creatura. Rom. VIII, 20. Quā conditione Sol, Venus, Mare, durant diutius, quàm Homo: 3. -- 7. qui, ut causa meritoria, experitur damna; laborans inquietā sensuum appetitione, arrogantia, & ambitionis, & radii plenissimā. 8. -- 11. Experientia Salomonis. 12, 13. Hic enim, omnibus abundans, nihil denique in depravata nature usu communi invenire potuit, nisi vanitatem erummosissimam, atque impotentissimam. 14, 15. Etiam si verò incomparabilem acquisiverit sapientiæ ac scientiæ apparatus, nec labori pepercerit: eò certior factus est tamen, quòd eventus quoque, vel optimus, hic versetur in*

Ee ;

mole-

molestia, conjuncta cum doloribus infinitis; 16, 17, 18. nisi remedium accesserit Evangelicum, reducens ad pristinum finem.

INTROITUS.



Unc age, nunc etiam, quæ *Rex^a*, idemque
Sacerdos;
Quæ Salomo, rex ille satus Davide; Sa-
cerdos^b

Fratribus è multis unus, solusque paterni
Imperii Solymorum hæres; verissima dicta^c.
De *Vano* cecinit, Latii cantabimus ore.

2. Sat rebus studiisque datum. Vanum omnia inane
Sunt, heu! Mystra infit^d: vana, heu! vanum omnia
inane^e!

3. Quid

PARALLELISMUS CAPITIS I.

(a) *Inf. 12. Prov. I, 1. XXV, 1. XXXI, 1.* (b) *vid. 2. 12. XII, 8, 9, 10. ubi Koheleth est Concionator, Ecclesiastes, nomen proprium viri; terminationis fœmininæ significationem non usurpans: quam tamen aperio constructionis usu retinet VII, 27. ut sit convocatrix seu predicator Sapiencia, tanquam innuens, se ipsam in hoc libro per Salomonem interpretem docere. conf. Prov. VIII, 1. Matth. XXIII, 37. Luc. XI, 49.* (c) *XII, 11. Pr. I, 6.* (d) *VI, 3.* (e) *inf. 14. III, 19. V, 6. VII, 6. XII, 8. Pr. XIII, 11. XXI, 6. XXXI, 30.* AUGUSTINUS, in *Ps. IV.* illa: Quid diligitis vanitatem, & queritis mendacium? *Ut quid vultis beati esse de infimis? Sola veritas facit beatos, ex quâ vera sunt omnia. Nam vanitas est vanitatum, & omnia vanitas. Ut quid ergo temporalium rerum amore detinemini? ut quid, tanquam prima, extrema sectamini? quod est vanitas & mendacium. Cupitis enim permanere vobiscum, quæ omnia transeunt, velut umbra. De fine hujus querelæ, conf. inf. 18. y.*

3. Quid tandem superest homini? quæ commoda *f* perstant?

Quodque bonum ex omni, quem quis sub sole & labore

Exercere diu, res si mortalibus ulla

Estque manetque diu, miro certavit amore?

TRA.

(f) II, 11. 13. III, 9. V, 8. 10. 15. VI, 11. VII, 12. conf. Matth. V, 47. (g) inf. 9. 14. II, 11. 17, 18, 19, 20. 22. III, 16. IV, 1. 3. 7. 15. V, 12. 17. VI, 1. 5. VII, 1. VIII, 9. 15. 17. IX, 3. 6. 9. 11. 13. X, 5. conf. Ps. CIV, 22, 23. GEIERUS, in h. l. Crebra hæc phrasis; ad denotandam, totius hujus mundi aspectabilis, universalitatem, itemque vitam sub sole mundanam: ubi tanquam in exilio, non supra solem in cælo, sed sub sole degimus, planè mutabiliter, ad morem caterorum sublunarium. Nec malè ABEN-ESRA: Corpus, & corporeus labor, est sub sole: animus, sive spiritus, ejusque labor [spiritualis] est supra solem; quia à DEO originem habet; & ad Eum redit. c. XII, 7. conf. BASILIUS Hexaem. c. VI. ARNDTIUS, de Vero Christianismo l. IV, c. I. & IV. 1. II, c. LVIII. quomodo intelligendum, quod dicitur; Sapiens dominabitur astris: nempe, quia & quatenus hic sub Christo est, sole justitiæ, Malach. IV, 2. Quo respectu AMBROSIIUS, in Ps. CXVIII. seu CXIX, 90. ipsa hæc verba & sequentia, transferens à vanitate ad veritatem, explicat spiritualiter: *Quæ abundantia spirituali homini, laboranti sub sole justitiæ? Et subjecit Ecclesiastes: Generatio vadit, & generatio venit. Vadit generatio: quia divites eguerunt & esurierunt. Qui antea abundabant gratiâ, postea tamen propter perfidiam suam egere cœperunt. Qui autem pauperes erant populi nationum, jam per fidem Christi satiantur & abundant; sicut scriptum est: Edent pauperes, & saturabuntur. Audierunt enim dicentem 1. Cor. I, 5. Abundantes in omni verbo; non in pecuniis utique, non in auro & argento; sed in omni verbo, inquit, & cognitione. Et 2. Cor. VIII, 2. ait: in divitiis simplicitatis. Hæc divitiæ sunt salubres: nam copię seculares salutem afferre non possunt. Qui autem habuerit abundantiam spiritualem,*